

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK

Broj: 07-19-796/26
Vogošća, 14.04.2026. godine

**OPĆINSKO VIJEĆE
V O G O Š Ć A**

PREDLAGAČ: Općinski načelnik

OBRADIVAČ: Služba za investicije i komunalne poslove Općine Vogošća

SADRŽAJ: Informacija o stanju vodovodne - kanalizacione mreže
od strane KJKP „Vodovod i kanalizacija“ d.o.o. Sarajevo,
na području općine Vogošća za 2025. godinu

**PREDLAGAČ
OPĆINSKI NAČELNIK**

Migdad Hasanović

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK
Služba za investicije i komunalne poslove

Broj: 07-19-796/26
Vogošća, 14.04.2026. godine

**INFORMACIJA O STANJU VODOVODNE - KANALIZACIONE MREŽE
OD STRANE KJKP „VODOVOD I KANALIZACIJA“ D.O.O. SARAJEVO
NA PODRUČJU OPĆINE VOGOŠĆA**

U skladu sa Programom rada Općinskog vijeća Vogošća, Služba za investicije i komunalne poslove općine Vogošća pripremila je informaciju o stanju vodovodne i kanalizacione mreže na području Općine Vogošća za 2025. godinu dostavljenu od strane Kantonalnog javnog komunalnog preduzeća „Vodovod i kanalizacija“ d.o.o. Sarajevo.

U toku 2025. godine snabdijevanje pitkom vodom i odvodnjom otpadnih kanalizacionih i atmosferskih voda iz gradskih mreža, kojima upravlja KJKP „Vodovod i kanalizacija“ d.o.o. Sarajevo vršena je kontinuirano.

U 2025. godini je izvršena opravka 172 kvara na vodovodnoj mreži, od toga 67 kvarova na glavnoj cijevi i 89 kvarova na priključnoj cijevi. Ostale opravke izvršene su na uličnim ventilima, zatvaračima i hidrantima. Izvršena je zamjena jednog zatvarača. Što se tiče kanalizacione mreže, izvršeno je 215 intervencija koje se odnose na crpljenje septičke jame, pročepljenje kanala, čišćenje kanala, ispitivanje funkcionalnosti kanala, snimanje kanala, pročepljenje i čišćenje slivnika. Od toga je najviše bilo pročepljenje kanala tj. 112 intervencija.

Predhodnih godina su započete realizacije značajnih investicionih projekata za našu općinu iz oblasti izgradnje vodovodne i kanalizacione mreže, za koje pored Investicionog nadzora imamo i Nadzor ispred krajnjeg korisnika. Po okončanju projekata iste će preći u sistem održavanja putem KJKP „Vodovod i kanalizacija“ d.o.o. Sarajevo, odnosno Nadležnog preduzeća. To su slijedeći projekti:

- Vodosnabdijevanje gornjih zona naselja Krivoglavci i Svrake u općini Vogošća, četiri faze (izgradnja dva rezervoara i dvije pumpne stanice, te polaganje cjevovoda u naseljima Krivoglavci I i Svrake i dijelu naselja Krivoglavci II)
- Vodosnabdijevanje naselje Poturovići i Ljubina na području općine Vogošća (izgradnja rezervoara i pumpne stanice te polaganje dijela cjevovoda i rekonstrukcija dijela postojećeg cjevovoda)
- Izgradnja separatne kanalizacione mreže naselja Hotonj IV sa izradom kućnih priključaka,
- Izgradnja glavnog fekalnog kolektora u naselju Orahov Brijeg.

Na naš zahtjev upućen prema KJKP „Vodovod i kanalizacija“ d.o.o. Sarajevo, dostavljena nam je Informacija o stanju vodovodne i kanalizacione mreže na području općine Vogošća koji dostavljamo u prilogu.

Prilog:

- Informacija o stanju vodovodne i kanalizacione mreže na području općine Vogošća za 2025. godinu

**POMOĆNIK OPĆINSKOG
NAČELNIKA**

Fetah Kadrić



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
PREDUZEĆE ZA PROIZVODNJU I DISTRIBUCIJU VODE, ODVOJENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
Sjedište: ul. Jaroslava Čermija br. 8, tel: 033/237-655, 033/483-400, fax: 033/440-658, www.viksa.ba
e-mail: press@viksa.ba PDV-IB: 200151950004, ID: 4200151950004

OPĆINA VOGOŠĆA

Služba za investicije i komunalne poslove

Ul. Jošanička br. 80
71 320 Vogošća

Sarajevo, 18.03.2026. godine

Broj: 2020 / 26

Predmet: Informacija o stanju vodovodne i kanalizacione mreže na području općine Vogošća

Veza: Vaš akt broj: 07-19-sl./25 od 27.02.2026. godine

Poštovani,

Dopisom broj 07-19-sl./25 obratili ste se sa molbom za dostavljanje informacija o stanju vodovodne i kanalizacione mreže na području općine Vogošća za 2025. godinu. Ovim putem vam dostavljamo tražene informacije.

Ukupna dužina vodovodne mreže koja je u nadležnosti KJKP "Vodovod i kanalizacija" d.o.o. Sarajevo na području općine Vogošća iznosi cca 121 km, od toga je 62 km cjevovoda od daktila, 17 km cjevovoda od daktila, 3 km cjevovoda od čelika, 32 km liveno-željeznog cjevovoda, 5,5 km cjevovoda od plastike i 1,5 km pocinčanog cjevovoda. Prema raspoloživim podacima najviše cjevovoda na teritoriji općine Vogošća položeno je od 2000. do danas i to cca 64 km cjevovoda. Od 1980. do 2000. položeno je cca 37 km i od 1960. do 1980. cca 19 km.

Nivo pokrivenosti područja Kantona Sarajevo javnim sistemom prikupljanja i odvodnje otpadnih voda je znatno manji od nivoa pokrivenosti javnim sistemom vodosnabdijevanja. Prema procjenama procenat priključenja stanovnika na javnu kanalizacionu mrežu na teritoriji općine Vogošća iznosi 25%. Ukupna dužina kanalizacione mreže na području općine Vogošća je cca 133 km, od toga je 69 km fekalne kanalizacije, 56 km atmosferske kanalizacije i 8 km mješovite kanalizacije. KJKP "Vodovod i kanalizacija" d.o.o. Sarajevo održava cca 60% cjevovoda na teritoriji općine Vogošća, dok je cca 40% cjevovoda u nadležnosti Općine. Najviše je zastupljeno cjevovoda od centrifugalnog poliestera 35 km i plastike 44 km. Prema raspoloživim podacima od 2011. do danas je položeno cca 68 km kanalizacione mreže, cca 22 km je položeno od 2000. do 2010. godine i od 1958. do 2000. je položeno cca 35 km kanalizacione mreže. Za dio mreže podaci o starosti nisu dostupni.

Područja koja su izvan zona vodosnabdijevanja nemaju riješeno vodosnabdijevanje. Naselja koja nemaju riješeno vodosnabdijevanje na teritoriji općine Vogošća su gornji dijelovi naselja Blagovac, Kremeš, gornji dijelovi naselja Krivoglavci i Svrake, dijelovi naselja Ljubina i Poturovići.

Naselja u općini Vogošća koja nisu trenutno povezana na kanalizacioni sistem ili imaju lokalnu kanalizaciju u nadležnosti Općine su: Krivoglavci, Svrake, dijelovi Hotonja, Donja Jošanica, Gornja Jošanica, Uglješići, Rosulje i dijelovi Orahovog brijega.

Obzirom da ova područja najvećim dijelom nisu pokrivena provedbenom planskom dokumentacijom potrebno je prvo izraditi Idejne projekte, dostaviti Zavodu za planiranje Kantona Sarajevo, te nakon

Banka: UniCredit Bank dd: 3389002208274753, Raiffeisen Bank dd: 1610000063850067,
ASA banka dd: 1344701005766091, Intesa Sanpaolo Banko dd: 1549212006139057,
Sparkasse Bank dd BiH: 199 499 00001979 93, Boema Bank International dd: 1413065320199704
Ziraat Bank: 1861010310521757, Addiko bank: 3060003194606425,
ProCredit Bank: 1941411248800192, NLB Banka: 1320202029803424



Područje certifikacije:
Proizvodnja i distribucija vode i
odvodnja i prečišćavanje otpadnih
voda u Gradu Sarajevu i u općinama
Vogošću i Ilidži

usvajanja provedbeno-planske dokumentacije odrediti prioritete za rekonstrukciju i izgradnju javne kanalizacione mreže.

U sistemu javnog vodosnabdijevanja na teritoriji općine Vogošća registrovano je cca 6200 priključaka, od toga je cca 2200 bespravnih priključaka. Broj privrednih subjekata na teritoriji općine Vogošća priključenih na javni sistem vodosnabdijevanja iznosi cca 956.

Gubitci na vodovodnoj mreži na području Općine Vogošća za 2025. godinu iznosili su cca 65%.


U 2025. godini je izvršena opřavka 172 kvara na vodovodnoj mreži, od toga 67 kvarova na glavnoj cijevi i 89 kvarova na priključnoj cijevi. Ostale opravke izvršene su na uličnim ventilima, zatvaračima i hidrantima. Izvršena je zamjena jednog zatvarača.

U 2025. godini na kanalizacionoj mreži je izvršeno 215 intervencija koje se odnose na crpljenje septičke jame, pročepljenje kanala, čišćenje kanala, ispitivanje funkcionalnosti kanala, snimanje kanala, pročepljenje i čišćenje slivnika. Od toga je najviše bilo pročepljenja kanala tj. 112 intervencija.

Trenutno postoji na par lokacija problem sa omogućavanjem pristupa specijalnom vozilu za čišćenje kanala do kojeg je došlo prilikom vanjskog uređenja, a to se odnosi na kolektor koji se nalazi oko igrališta, reviziono okno koje je ostalo zatrpano prilikom izgradnje rampe za pristup vozila u ul. Jošanica preko puta br. 6 i kolektori koji se nalaze ispod objekta u ul. Jošanička preko puta br. 14. Općina je već upoznata sa ovim problemima.

KJKP "Vodovod i kanalizacija" d.o.o. Sarajevo ne raspolaže podacima o stanju vodovodne i kanalizacione mreže koja nije u nadležnosti ovog Preduzeća.

S poštovanjem,

 Direktor /
Adnan Šerak